



REPUBLICA E KOSOVËS - REPUBLIKA E KOSOVO
KOMUNA E VUSHTRRISE-OPSTINA VUCHITRN

01 Nr. / Br 145 / 18

Nr. i fq. / Br. st - 1 -

Data / Datum 31.05.2018

VUSHTRRI - VUCHITRN



Republika e Kosovës

Kuvendi i Komunës -Vushtrri

Bazuar në nenin 12.2, pika "d" nenit 40 paragrafi 2 pika "h" Ligjit Nr.03/L-40 për Vetëqeverisje Lokale, dhe Nenin 40.2 pika "gj" të Statutit të Komunës, nenit 14.1 të Rregullores 01Nr.186/13 dt.25.07.2013 për Dhënien e Dekoratave, si dhe nenit 2 paragrafi 6 të Rregullores 01Nr.88/15 dt.30.04.2015 për ndryshimin dhe plotësimin e Rregullores për Dhënien e Dekoratave, Kuvendi i Komunës së Vushtrrisë, në mbledhjen e mbajtur më **31 maj 2018**, mori këtë:

VENDIM

PËR NDARJE TË MIRËNJOHJEVE PËR NDER TË 17 QERSHORIT DITËS SË ÇLIRIMIT

1.Me këtë vendim, për nder të Ditës së Çlirimit të Vushtrrisë, më 17 qershor 2018 nderohen me mirënjohje:

1.1 Mustafë Venahari (post mortum)- veprimtar i çështjes kombëtare;

1.2 Bahtir Haradinaj – ish i burgosur politik, veprimtar i çështjes kombëtare;

1.3 Jakup Krasniqi-veteran i arsimit, ish drejtor komunal i arsimit;

1.4 Jakup Muzaqi-për kontributin e dhënë në luftën e UÇK-së dhe ofrimin e ndihmës për popullatën civile në ZOSH, gjegjësisht në fshatin Kurillovë;

1.5 Halim Selaci- për kontributin e tij në fushën e kulturës dhe arsimit;

1.6 Muhamed Alidema- për kontributin në fushën e sigurisë dhe bashkëpunimin ndërinstitucional me komunën. Zyrtarë policorë nga gjenerata e parë e Policisë së Kosovës, aktualisht komandant i Stacionit Policorë në Vushtrri;

1.7 Familja e Hajrullah Shalës-për kontributin në fushën e arsimit, ndërtimin e shkollës së fshatit Akrashticë;

1.8 Sedat Islami, për kontributin e tij në fushën e edukimit fetar;

1.9 Pranvera Hyseni-studente e dalluar;

1.10 Edi Mehana- për arritjen në fushën e artit.


2. Për zbatimin e këtij vendimi obligohen: kryetari i komunës, Drejtoria për Kulturë, Rini dhe Sport dhe Drejtoria për Buxhet dhe Financa.

3. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



Republika e Kosovës

Kuvendi i Komunës - Vushtrri

Në bazë të nenit 12.2 “d”, 17 “a” të Ligjit për Vetëqeverisje Lokale nr. 03/L-040, nenin 5 paragrafi 2 dhe 3 të Ligjit nr. 04/159 për Zonat Ekonomike, nenit 41.2 “ç” të Statutit të Komunës së Vushtrrisë, vendimit të kuvendit të komunës 01nr.57/11 dt. 21.04.2011 për caktimin e lokacionit për ndërtimin e parkut të biznesit, si dhe pas marrjes së pëlqimit nga Ministria për Tregti dhe Industri, Kuvendi i Komunës në mbledhjen e mbajtur më **31 maj 2018**, merr këtë:

VENDIM

PËR THEMELIM TË PARKUT INDUSTRIAL NË FSHATIN LUMADH

- 1.Me këtë vendim themelohet Parku Industrial në fshatin Lumadh të Komunës së Vushtrrisë në parcelat e evidentuara në certifikatat e pronësisë P-70202011-00435-1 dhe P-70202011-00435-3, tokë jo pjellore, në sipërfaqe prej 14.86.00 ha, Zona Kadastrale Lumadh, pronë e Komunës së Vushtrrisë.
- 2.Obligohet Kryetari i Komunës përkatësisht Qeveria Komunale që të ndërmarrin veprimet e nevojshme për të siguruar respektimin e të gjitha procedurave të parapara ligjore deri në finalizimin të këtij projekti.
- 3.Për zbatimin e këtij vendimi obligohen: Drejtoria për Gjeodezi, Kadastër dhe Pronë, Drejtoria për Urbanizëm dhe Mbrojtje të Mjedisit, Drejtoria për Ekonomi, Bujqësi, Pylltari dhe Zhvillim Rural si dhe Drejtoria e Prokurimit.
- 4.Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu

Kryesues i Kuvendit





REPUBLIKA E KOSOVËS - REPUBLIKA KOSOVO	
KOMUNA E VUSHTRRISE-OPSTINA VUCITRN	
01 Nr. / Br	147 / 18
Nr. i fq. / Br. st	- 1 -
Data: / Datum	31.05.2018
VUSHTRRI - VUCITRN	



Republika e Kosovës

Kuvendi i Komunës -Vushtrri

Bazuar në Nenin 12 paragrafi 2 pika (d) të Ligjit Nr.03/L-040 për Vetëqeverisje Lokale, Nenin 6 të Rregullores 01Nr.186/13, dt.25.07.2013 për Dhënie e Dekoratave, Nenin 41 paragrafi 2 pika (ç) të Statutit të Komunës si dhe duke u mbështetur në propozimin e Komitetit për Politikë dhe Financa, Kuvendi i Komunës së Vushtrrisë në mbledhjen e mbajtur më **31 maj 2018**, mori këtë:

V E N D I M PËR DHËNIEN E TITULLIT “NDERI I QYTETIT”

1. Me këtë vendim, **Emin Selacit** nga Komuna e Vushtrrisë i ndahet çmimi “Nderi i Qytetit”, për kontributin e dhënë si: veprimtar, humanist, si njëri ndër nismëtarët e parë për themelimin e Shoqatës Humanitare Bamirëse “Nëna Terezë” në Vushtrri, për ndihmën e ofruar për familjet e minororëve, arsimtarëve, punëtorëve në përgjithësi dhe skamnorëve.
2. Dorëzimi i këtij titulli do të bëhet nga Kryetari i Komunës me datën 17 qershor-Ditën e Çlirimit të Vushtrrisë.
3. Për zbatimin e këtij vendimi obligohen: kryetari i komunës, Drejtoria për Kulturë, Rini dhe Sport, dhe Drejtoria për Buxhet dhe Financa.
4. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu


Kryesues i Kuvendit





REPUBLICA E KOSOVËS - REPUBLIKA KOSOVO
KOMUNA E VUSHTRRISË - OPŠTINA VUČITRAN

01 Nr. / Br 148/18

Nr. i fq. / Br. st - 1 -

Data: / Datum 31.05.2018

VUSHTRRI - VUČITRAN



Republika e Kosovës


Kuvendi i Komunës - Vushtrri

Në bazë të nenit 12.2 shkronja "d" të Ligjit nr.03/L-40 për Vetëqeverisjen Lokale, nenit 41.2 shkronja "ç" të Statutit të Komunës së Vushtrrisë, si dhe nenit 12 të Rregullores Nr.01/2017 për Procedurën e Hartimit dhe Publikimin e Akteve të Komunës, Kuvendi i Komunës në mbledhjen e mbajtur më **31 maj 2018**, mori këtë:

VENDIM


**PËR NDRYSHIMIN DHE PLOTËSIMIN E VENDIMIT 01.NR.49/17 TË DATËS
23.02.2017**

1. Me këtë vendim ndryshohet dhe plotësohet vendimi i Kuvendit të Komunës së Vushtrrisë lidhur me themelimin e komisionit për zgjedhjen e këshillave të fshatrave, vendbanimeve dhe lagjeve urbane me numër të protokollit 01.Nr.49/17 i datës 23.02.2017, ku në vend të ish-anëtarit të kuvendit z. Isa Hajrizi emërohet z. Mehdi Bejtullahu anëtar i kuvendit.
2. Mandati i anëtarit të këtij komisioni është i njëjtë me anëtarët tjerë dhe zgjat deri në finalizimin e procesit të zgjedhjes së këshillave të fshatrave dhe lagjeve urbane, si dhe kryetarëve të këshillave të fshatrave dhe lagjeve urbane, të cilat janë në procedurë për t'u zgjedhur.
3. Për zbatimin e këtij vendimi obligohet komisioni i sipërcekur. Kurse, monitorimin e bën Drejtoria për Administratë.
4. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



Republika e Kosovës

Kuvendi i Komunës - Vushtrri

Kuvendi i Komunës së Vushtrrisë, në mbledhjen e mbajtur më **31 maj 2018**, pas shqyrtimit të Projekt-Pilotit për Analizën Teknike të Pikave të Grumbullimit të Mbeturinave të Komunës së Vushtrrisë, duke u bazuar në nenin 12.1, pika "d" të Ligjit Nr. 03/L-040 për Vetëqeverisjen Lokale, nenin 12 të Statutit të Komunës, nenin 8 të Udhëzimit Administrativ (MAPL) Nr. 01/2015 për Transparencë nëpër Komuna, si dhe nenin 2 të Rregullores për Transparencë 01Nr.99/13, dt. 25.04.2013, mori këtë:

VENDIM PËR DHËNIE NË DISKUTIM PUBLIK

- 1.Me këtë vendim jepet në diskutim publik Projekt-Piloti për Analizën Teknike të Pikave të Grumbullimit të Mbeturinave të Komunës së Vushtrrisë.
- 2.Diskutimi publik fillon nga data 04 qershor 2018 dhe zgjat deri më 22 qershor 2018.
- 3.Obligohet Zyra komunale për informim që të ndërmer masa për informim të qytetarëve lidhur me diskutimin publik, konform dispozitave të Udhëzimit Administrativ për Transparencë në Komuna dhe konform nenit 9.2 dhe 9.4 të Rregullores për Transparencë 01 Nr.99/13, dt. 25.04.2013.
- 4.Obligohet Drejtoria e Shërbimeve Publike që si propozues i projekt-analizës në fjalë të organizojë diskutimin publik konform Udhëzimit Administrativ (MAPL) Nr. 01/2015 për Transparencë në Komuna dhe nenit 9.5 të Rregullores për Transparencë 01 Nr.99/13, dt. 25.04.2013. Gjithashtu obligohet drejtoria e sipërcekur që vërejtjet eventuale, sugjerimet apo propozimet për ndryshime t'ia prezantojë Kuvendit të Komunës në rastin e shqyrtimit të dytë të projekt-analizës në fjalë në mbledhjen e kuvendit në muajin qershor 2018.
5. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu



Kryesues i Kuvendit





REPUBLIKA E KOSOVËS - REPUBLIKA KOSOVO
KOMUNA E VUSHTRRISË - OPŠTINA VUČITRAN

01 Nr. / Br 150/18

Nr. i fq. / Br. st - 1 -

Data / Datum 31.05.2018

VUSHTRRI - VUČITRAN



Republika e Kosovës

Kuvendi i Komunës - Vushtrri

Në bazë të nenit 12.2 pika „d” lidhur me nenin 17 pika „o” të Ligjit Nr.03/L-40 për Vetëqeverisjen Lokale, nenit 7 të Ligjit për Sistemin e Adresave Nr.04/L-071, neni 6, paragrafi 1.2.1;1.1.15 të Udhëzimit Administrativ Nr.14/2012 për Krijimin dhe Administrimin e Listës Alfabetike për Emërtime, Listës Rezervë dhe Vendosjen e Tyre nga Regjistri Komunal i Adresave, si dhe nenin 41.2 pika „ç” neni 40.2 pika „h” të Statutit të Komunës së Vushtrrisë Nr.58/11i dt.28/04/2011, Kuvendi i Komunës së Vushtrrisë në mbledhjen e mbajtur më **31 maj 2018**, mori këtë:

VENDIM

PËR RENDITJEN NË LISTËN E EMRAVE REZERVË TË RRUGËVE

- 1.Me këtë vendim renditen në Listën e emrave rezervë, emrat e rrugëve të propozuar si në vijim: “Enver Morina” nga fshati Akrashticë, „Liman Bajram Hasani”, „Haradin Liman Hasani” dhe „Selman Liman Hasani” (të tre nga fshati Stroc) dhe “Ali Jakupi” nga Vushtrria, në mënyrë që të përdoren për emërtime apo riemërtime të reja të rrugëve në të ardhmen.
- 2.Për zbatimin e këtij vendimi obligohen: Drejtoria për Shërbime Publike, Drejtoria për Gjeodezi, Kadastër dhe Pronë, si dhe Drejtoria për Urbanizëm dhe Mbrojtje të Mjedisit.
- 3.Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu

Kryesues i Kuvendit





REPUBLICA E KOSOVËS - REPUBLIKA E KOSOVO
KOMUNA E VUSHTRRISË - OPSTINA VUŠTRIN

01 Nr. / Br 151/18

Nr. i fq. / Br. st - 1 -

Data: / Datum 31.05.2018

VUSHTRRI - VUŠTRIN



Republika e Kosovës

Kuvendi i Komunës - Vushtri

Në mbështetje të nenit 40.2 "c" të Ligjit për Vetëqeverisje Lokale nr.03/L40, nenit 40.2, "dh" të Statutit të Komunës së Vushtrrisë, nenit 8 të Rregullores për Përcaktimin e Kriterëve të Ndarjes së Mjeteve Financiare nga Fondi për Transfere dhe Subvencione për Ndhmë Momentale Entiteteve Publike dhe JoPublike 01Nr.37-2/11 të datës 24.02.2011, si dhe kërkesës së Ismajl Istrefit të dt.11.05.2018, Kuvendi i Komunës së Vushtrrisë në mbledhjen e mbajtur më **31 maj 2018**, mori këtë:

VENDIM PËR OFRIMIN E NDIHMËS FINANCIARE PËR SHËRIM

- 1.Me këtë vendim lejohen mjete financiare nga buxheti i komunës-fondi për subvencione dhe transfere, pozicioni "Ndhmë për shërim" në Drejtorinë e Shëndetësisë dhe Përkujdesjes Sociale për Ismajl Istrefin, me banim në rr."Mursel Istrefi" në Vushtri, në shumën prej 2000 € (dy mijë euro).
- 2.Shuma e cekur në nenin 1 të këtij vendimi ndahet me qëllim të shërimit të tij.
3. Për zbatimin e këtij vendimi obligohen: Drejtoria për Shëndetësi dhe Përkujdesje Sociale, si dhe Drejtoria për Buxhet dhe Financa.
4. Ky vendim hyn në fuqi në ditën e aprovimit dhe nënshkrimit nga Kryesuesi i Kuvendit.



Nasuf Aliu


Kryesues i Kuvendit